

四庫全書

集部

欽定四庫全書

御定全唐詩卷二百五十二

劉太真

劉太真宣州人師蕭穎士天寶末舉進士大厯中拜起居郎歷臺閣自中書舍人轉工部刑部二侍郎坐事貶信州刺史貞元四年重九賜宴曲江亭帝製詩序賜羣寮各一本命簡文詞之士應制同用清字明日於延英門進之於是朝臣畢和上自考定以太真李紆等為上

等集三十卷今存詩三首

宣州東峰亭各賦一物得古壁苔

同賦袁修崔何王緯高倬

李岑蘇寓
素邕郭澹

冉冉溫寒泉綿綿古危壁
光含孤翠動色與暮雲寂
深淺松月閒幽人自登歷

顧十二況左遷過韋蘇州房杭州韋睦州三使
君皆有郡中燕集詩詞章高麗鄙夫之所仰慕
顧生既至留連笑語因亦成篇以繼三君子之

風馬

寵至乃不驚罪及非無由奔迸歷畏途緬邈赴偏荒

一作

陬牧此彫弊吐屬當賦斂秋夙興諒無補旬暇焉敢休
前日懷友生獨登城上樓迢迢西北望遠思不可收今
日車騎來曠然銷人憂晨迎東齋飯晚度南溪遊以我
碧流水泊君青翰舟莫將遷客程不為勝境留飛札謝
三守斯篇希見酬

貢院寄前主司蕭尚書聽

一作呂渭詩

獨坐貢闈裏愁心芳草生山公昨夜事應見此時情

袁孝

袁孝官御史中丞兵部侍郎詩二首

東峰亭同劉太真各賦一物得垂澗藤

寒澗流不息古藤終日垂迎風仍未定拂水更相宜
新花與舊葉惟有幽人知

喜陸侍御破石埭草寇東峰亭賦詩

古寺東峰上登臨興有餘同觀白簡使新報赤囊書幾

處間烽堠千方慶里閭欣欣夏木長寂寂晚煙徐戰罷
言歸馬還師賦出車因知越范蠡湖海意何如

崔何

崔何官御史詩二首

東峰亭各賦一物得嶺上雲

佇立增遠意中峰見孤雲溶溶傍危石片片宜夕曛漸
向羣木盡殘飛更氤氲

喜陸侍御破石埭草寇東峰亭賦詩

絕景西溪寺連延近郭山高深清扁外行止翠微閒江
澈煙塵靜川源草樹閒中丞健步到柱史捷書還一戰
清戎越三吳變險艱功名麟閣上得詠入秦關

王緯

王緯官給事中詩二首

東峰亭各賦一物得幽徑石

片石東溪上陰崖剝阻脩雨餘青石靄歲晚綠苔幽從
來不可轉今日為人留

喜陸侍御破石埭草寇東峰亭賦詩

蜂蠆聚吳州推賢奉聖憂忠誠資上策仁勇佐前籌
草木成鵝鸛戈鋌復斗牛戎車一戰後殘壘五兵收
野靜山戎險江平水面流更憐羈旅客從此罷葵丘

郭澹

郭澹天寶大厯間人詩二首

東峰亭各賦一物得臨軒桂

青青芳桂樹幽陰在庭軒向日陰還合從風葉乍翻共

看霜雪後終不變涼暄

喜陸侍御破石埭草寇東峰亭賦詩

介冑鷹揚出山林蟻聚空忽聞飛簡報曾是坐籌功
迺夜昏氛滅危亭眺望雄茂勲推世上餘興寄杯中喜色
煙霞改歡忻里巷同幸茲尊俎末飲至又從公

高慘

高慘天寶大厯間人詩一首

東峰亭各賦一物得林中翠

杳靄無定狀
霏微常滿林
清風光不散
過雨色偏深
幽意賞難盡
終朝再招尋

李岑

李岑天寶大厯閒人詩一首

東峰亭各賦一物得棲煙鳥

從來養毛羽
昔日曾飛遷
變轉對朝陽
差池棲夕煙
遇此枝葉覆
夙舉冀冲天

蘇寓

蘇寓天寶大厯間人詩一首

東峰亭各賦一物得寒溪草

羃歷溪邊草遊人不厭看餘芳幽處老深
色望中寒幸得陪情興青青賞未闌

袁邕

袁邕天寶大厯間人詩一首

東峯亭各賦一物得陰崖竹

終歲寒苔色寂寥幽思深朝歌猶夕嵐日
永流清陰龍

鍾負煙雪自有凌雲心

李紆

一作舒

李紆字仲舒天寶末拜祕書省校書郎大歷初以吏部侍郎李卿薦為左補闕累遷司封員外郎知制誥改中書舍人歷禮部侍郎嘗奏享武成王不當視文宣廟又奉詔為興元紀功述及郊廟樂章諸所論著甚衆貞元中重陽應制詩與劉太真皆為上等今其詩不傳存樂章十三首

唐德明興聖廟樂章

唐書禮儀志曰明皇天寶二年三月追尊阜繇為德

明皇帝涼武昭王為興聖皇帝其廟樂第一迎神第二登歌奠幣第三迎俎第四酌獻第五亞

獻終獻第

六送神

迎神

元尊九德佐堯光宅烈祖太宗方周作伯響懷霜露樂
變金石白雲清風髣髴來格

登歌奠幣

四時有典百事來祭尊祖奉宗嚴禋大帝禮先蒼璧奠

備黜制於萬斯年熙成帝系

迎俎

盛牲實俎涓選休成鼎堪陽燧玉盥陰精有飫嘉豆既
和大羹侑以清樂細齊人情

德明酌獻

清廟奕奕和樂雍雍器尊犧象禮屬宗公白水方裸黃
流在中謨明之德萬古清風

興聖酌獻

闕宮靜謐合樂周張泰尊始獻百末重觴震澹存誠庶
幾迪嘗遙源之祚天漢靈長

亞獻終獻

惟清惟肅靡聞靡見舉備九成俛終三獻慶彰曼壽胙
撤嘉薦瘞玉埋牲禮神斯徧

送神

元精回復靈貺繁滋風灑蘭路雲搖桂旗高丘緬邈涼
部逶遲瞻望靡及纏綿永思

讓皇帝廟樂章

迎神

皇矣天宗德先王季因心則友克讓以位爰命有司式
尊前志神其降靈昭饗祀事

奠幣

惟帝時若去而上仙祀用商武樂備宮懸白壁加薦玄
纁告虔子孫拜後承茲吉蠲

迎俎

祀盛體薦禮協粢盛方周假廟用魯純牲捧撤祗敬擊拊和鳴受釐歸胙既戒而平

酌獻

八音具舉三壽既盥潔茲宗彝瑟彼圭瓚蘭肴重錯椒醕飄散降祚維城永為藩翰

亞獻終獻

秩禮有序和音既同九儀不忒三揖將終孝感藩后相維辟公四時之典永永無窮

送神

奠獻已事昏昕載分風搖雨散靈衛綢緼龍駕帝服已

一作騰五雲泮宮復閤寂寞無聞

于邵

于邵字相門京兆萬年人天寶末進士登科書判超絕
授崇文館校書郎歷比部郎中出為巴州刺史時夷獠
聚衆圍州邵遣使諭降儒服出城羣盜羅拜解散節度
使李抱玉以聞遷梓州後為禮部侍郎史館修撰當時

大詔令皆出其手貞元中重陽應制詩居次等今不傳
存樂章五首

釋奠武成王樂章

唐釋奠武成王舊以文宣王樂章用之貞元中詔于邵補

造

迎神

卜畋不從兆發非熊乃傾荒政爰佐一戎盛烈載垂命
祀維崇日練上戊宿嚴闕宮迎奏嘉至感而遂通

奠幣登歌

管磬升壇薌集上公進嘉幣執信以通儉如及恢帝功
錫后邑四維張百度立綿億載邈難挹

迎俎酌獻

五齊絜九牢碩杭縻循壘竿滌進具物揚鴻勳和奏發
高靈寂虔告終繁祉錫昭秩祀永無易

亞獻終獻

貳觴以獻三變其終顧此非馨尚達斯衷茅縮可致神
歆載融始神翊周拯溺除凶時維降祐永絕興戎

送神

明祀方終備樂斯闋黝纁就瘞豆邊告撤肸蠁尚餘光
景云滅返歸虛極神心則悅

欽定四庫全書

御定全唐詩卷二百五十三

王之渙

王之渙并州人兄之咸之賁皆有文名天寶閒與王昌齡崔國輔鄭昉聯唱迭和名動一時詩六首

登鶴雀樓

一作朱斌詩

白日依山盡黃河入海流欲窮千里目更上一層樓

送別

楊柳東風

一作門

樹青青夾御河近來攀折苦應為別離

多

涼州詞二首

集異記云開元中之渙與王昌齡高適齊名共詣旗亭賞酒小飲有

梨園伶官十數人會讌三人因避席隈映擁爐以觀焉俄有妙妓四輩奏樂皆當時名部昌齡等私相約曰我輩各擅詩名每不自定甲乙今者可以密觀諸伶所謳若詩入歌詞之多者爲優初謳昌齡詩次謳適詩又次復謳昌齡詩之渙自以得名已久因指諸妓中最佳者曰待此子所唱如非我詩即終身不敢與子爭衡次至雙鬟發聲果謳黃河云云因大諧笑諸伶詣問語其事乃競拜乞就筵席三人從之飲醉竟日

黃河遠

一本次句為第一句黃河遠上作黃沙直上

上白雲閒一片孤城萬

仞山羌笛何須怨楊柳春光不度玉門關

單于北望拂雲堆殺馬登壇祭幾迴漢家天子今神武
不肯和親歸去來

宴詞

長隄春水綠悠悠畎入漳河一道流莫聽聲聲催去櫂
桃溪淺處不勝舟

九日送別

薊庭蕭瑟故人稀何處登高且送歸今日暫同芳菊酒
明朝應作斷蓬飛

閭防

閭防開元天寶閒有文名謫官長沙司戶孟浩然有湖
中旅泊寄閭九司戶詩又嘗與薛據讀書終南豐德寺
詩五首

晚秋石門禮拜

一作
禮佛

輕策臨絕壁招提謁金仙舟車無由一作
遊徑巖嶠乃屬

天躑躅淹昃景夷猶望新弦石門變暝色谷口生人煙
陽鴈叫平楚秋風急寒川馳暉苦代謝浮脆慙貞堅永
欲卧丘壑息心依梵筵誓將歷劫願無以外物牽

百丈谿新理茅茨讀書

浪迹棄人世還山自幽獨始傍巢由蹤吾其獲心曲荒
庭何所有老樹半空腹秋蛩鳴北林暮鳥穿我屋棲遲
樂遵渚恬曠寡所欲開卦推盈虛散帙攻節目養閒度
人事達命知止足不學東周一作國儒俟時勞伐輻

宿岸道人精舍

早歲參道風放情入寥廓重因息

一作經因息

心侶遂果巖

下諾斂跡辭人閒杜門守寂寞秋風翦蘭蕙霜氣冷淙

壑山牖見然燈竹房

一作白

聞搗藥願言捨塵事所趣非

龍螭

夕次鹿門山作

龐公嘉遯所浪跡難追攀浮舟暝始至抱杖聊自閒雙

巖

一作開

開鹿門百谷集珠灣噴薄湍上水春容漂裏山

焦原不足險

一作足險峻

梁壑未成艱我行自春仲夏鳥忽

絲蠻蕙草色已晚客心殊倦

一作未

還遠遊非避地訪道

愛童顏安能徇機巧爭奪錐刀閒

與永樂諸公夜泛黃河作

煙深載酒入但覺暮川虛映水見山火鳴榔聞夜漁愛

茲山水趣忽與人世

一作世人

疎無暇

一作假

然官燭中流有

望舒

句

熊踞庭中樹龍蒸棟裏雲

薛據

薛據河中寶鼎人開元十九年登第尚書水部郎中贈
給事中據與王維杜甫最善子美贈詩云文章開突竇
才力老益神高適贈詩云隱軫經濟具縱橫建安作劉
長卿亦有贈詩皆推重之據為人骨鯁有氣魄詩十二
首

懷哉行

明時無廢人廣廈無棄材良工不我顧有用一作寧自

媒懷策望君門歲晏空遲迴秦城多車馬日夕飛塵埃

伐鼓千門啓鳴珂雙闕來我聞雷雨施天澤一作罔不

該何意斯人徒棄之如死灰主好臣必効時禁權不一作

必開俗流實驕矜得志輕草萊文王賴多士漢帝資羣

才一言並拜相片善咸居台夫君一作何不遇為泣黃

金臺

古興

日中望雙

一作仙

闕軒蓋揚飛塵鳴珮初罷朝自言皆近

臣光華滿道路意氣安可親歸來宴高堂廣筵羅八珍

僕妾盡綺紈歌舞夜達晨四時固相代誰能久要津已

看覆前車未見易後輪丈夫須無濟豈能

一作得

樂一身

君今皆得志肯顧憔悴人

冬夜寓居寄儲太祝

一作基母潛詩

自為洛陽客夫子吾知音愛義能下士時人無此心奈

何離居夜巢鳥飛空林愁坐至月上復聞南隣砧

登秦望山

南登秦望山目極大海空
朝陽半蕩漾晃朗天水紅
谿壑爭噴薄江湖遰交通
而多漁商客不悟歲月窮
振緡迎早潮弭櫂候長一作遠
風予本萍泛者乘流任西東
茫茫天際帆樓泊何時同
將尋會稽迹從此訪任公

西陵口觀海

長江漫漫湯湯近海勢彌廣
在昔胚渾

一作眠

凝融為百川

決

一作長

地形失端倪天色潛

一作潛

滉漾東南際萬里極

目遠無象山影乍浮沈
潮波忽來往孤帆或不見
櫂歌猶想像日暮長風起
客心空振蕩浦口霞未收
潭心月初上林嶼幾遭迴
亭臯時偃仰歲晏訪蓬瀛
真游非外獎

題鶴林寺

道門隱形勝向背臨法橋
松覆山殿冷花藏溪路遙
珊珊寶幡挂燄燄明燈燒
遲日半空谷春風連上潮
少憑水木興暫忝身心調
願謝攜手客茲山禪侶饒

初去郡齋書懷

一作初去郡書情

肅徒辭汝潁懷古獨淒然尚想文王化猶思巢父賢時

移多讒巧大道竟誰傳況是

一作見

疾風起悠悠旌旆懸

征鳥

一作鴻

無返翼歸流不停川已經霜雪下乃

一作仍

驗

松柏堅回首望城邑迢迢閉雲煙志士不傷物小人皆

自妍感時惟責己在道非怨天從此適樂土東歸知

一作

得
幾年

出青門往南山下別業

舊居在南山夙駕自城

一作伊

闕榛莽相蔽虧去爾漸超

忽散漫餘雪晴蒼茫季冬月寒風吹長林白日原上沒
懷抱曠莫伸相知阻胡越弱年好棲隱鍊藥在巖窟及
此離垢氛興來亦因物末路期赤松斯言庶不伐

泊震澤口

日落草木陰舟徒泊江汜蒼茫萬象開合沓聞風水洄
沿值漁翁窸窣

一作
噉

逢樵子雲開天宇靜月明照萬里

早鴈湖上飛晨鐘海邊起獨坐嗟遠遊登岸望孤洲零

落星欲盡臃腫氣漸收行藏空自秉智識仍未周伍胥
既仗劍范蠡亦乘流歌竟鼓楫去三江多客愁

題丹陽陶司馬廳壁

高鑒清洞徹儒風入進難詔書增寵命才子益能官門
帶山光晚城臨江水寒唯餘好文客時得咏幽蘭

古興

投珠恐見疑抱玉但垂泣道在君不舉功成嘆何及

早發上東門

一作綦母潛詩題
作落第後口號

十五能文西入秦三十無家作路人時命不將明主合

布

一作素

衣空惹

一作染

洛陽塵

句

省署開文苑滄浪學釣翁

紀事云此二句據之詩也子美懷據詩即用為句云獨當

省署開文苑兼

泛滄浪學釣翁

窮冬時短晷日盡西南天

姚係

姚係宰相崇之曾孫為門下典儀韋應物集有送姚係

還河中詩或云河中人詩十首

秋夕會友

倦客易相失，懽遊無良

浪一作

辰。忽然一夕閒，稍慰闔家

貧。白露下庭梧，孤琴始悲辛。迴風入幽草，蟲響滿四鄰。
會遇更何時？持杯重殷勤。

荊山獨往

宿昔山水上，抱琴聊躑躅。山遠去難窮，琴悲多斷續。品
重丹陽樹，泉咽聞陰谷。時下白雲中，淹留秋水曲。秋水

石欄深潺湲如噴玉雜芳被陰岸墜露方消綠恣此平生懷獨游還自足

五老峰大明觀贈隱者

雲觀此山北與君攜手稀林端涉橫水洞口入斜暉頗覺一作乍見鸞鶴邇忽為烟霧飛故人清和客默會琴心微

丹術幸可授青龍當未歸悠悠平生意此日復相違

送周愿判官歸嶺南

早蟬望秋鳴夜琴怨離聲眇然多異感值子江山行由

來重義人感激事縱橫往復念遐阻淹留慕平生晨奔

九衢錢

一作棧

暮始萬里程山驛風月榭海門煙霞

一作霧

城易綃泉源近拾翠沙澈明蘭蕙一為贈貧交空復情

送陸渾主簿趙宗儒之任

山中眇然意此意乃平生常日望鳴臯

一作騶

遙對洛陽

城故人吏

一作吏

為隱懷此若

一作為

蓬瀛夕氣冒

一作渭

巖

上晨流瀉岸明存亡區中事影響羽人情溪寂值猿下

雲歸聞鶴聲及茲春始暮花葛正明榮

一作相榮

會有攜手

日悠悠去無程

楊叅軍莊送宇文邈

秋雲冒原隰野鳥滿林聲愛此田舍事稽君車馬程離

堂慘不喧脈脈復盈盈蘭葉一經霜

一作露

香銷為贈輕

燈光耿方寂蟲思隱餘

一作逾

清相望忽無際如舍江海

情

京西遇舊識兼送往隴西

蟬鳴一何急日暮秋風樹即此不勝愁隴陰人更去相

逢與相失共是亡羊路

古別離

涼風已嫋嫋露重木蘭枝獨上高樓望行人遠不知輕
寒入洞戶明月滿秋池燕去鴻方一作來至年年是別離

野居池上看月

悠然雲閒月復此照池塘泣露蒼茫濕沈波澹黯光應
門當未曙歌吹滿昭陽遠近徒傷目清輝靄自長

庭柳

裊裊楊柳枝當軒雜珮垂交陰總共密分條各自宜因
依似永久一作夕攬結更傷離愛此陽春色秋風莫遽吹

令狐峒

令狐峒德棻五世孫登進士第祿山之亂隱居南山豹
林谷司徒楊綰未仕時亦避地谷中嘗止峒舍賞其博
學及綰為禮部侍郎引入史館建中初為禮部侍郎典
貢舉執政楊炎有所請托峒得其私書奏之德宗惡其
訐貶衡州別駕詩二首

硤州旅舍奉懷蘇州韋郎中

公頻有尺書頗
積離鄉之思

儒服學從政遂為塵事嬰銜命東復西孰堪異鄉情懷
祿且懷恩策名敢逃名羨彼農畝人白首親友并江山
入秋氣草木彫晚榮方塘寒露凝旅館涼颼生懿交守
東吳夢想聞頌聲雲水方浩浩離憂何時平

釋奠日國學觀禮聞雅頌

肅肅先師廟依依胄子羣滿庭陳舊禮開戶拜清芬萬
舞當華燭簫韶入翠雲頌歌清曉聽雅吹度風聞澹泊

調元氣中和美聖君唯餘東魯客蹈舞向南薰

滕珣

滕珣東陽人歷茂王傅太和初以右庶子致仕四品給券還鄉自珣始詩一首

釋奠日國學觀禮聞雅頌

太學時觀禮東方曉色分威儀何棣棣環珮又紛紛古樂從空盡清歌幾處聞六和成遠吹九奏動行雲聖上尊儒學春秋奠茂勲幸因陪齒列聊以頌斯文

御定全唐詩卷二百五十三

欽定四庫全書

御定全唐詩卷二百五十四

常袞

常袞京兆人天寶末舉進士歷太子正字寶應二年為翰林學士考功員外郎中知制誥文章俊拔當時推重永泰元年遷中書舍人累上章陳西北利害代宗甚顧遇之加集賢院學士大歷初拜門下侍郎同平章事與楊綰並掌機務後出為福建觀察使集十卷今存詩九

首

奉和聖製麟德殿燕百寮應制

雲闢御筵張山呼聖壽長
玉闌豐瑞草金陛立神羊
台鼎資庖膳天星奉酒漿
蠻夷陪作位犀象舞成行
網已祛三面歌因守四方
千秋不可極花發滿宮香

晚秋集賢院即事寄徐薛二侍郎

穆穆上清居沈沈中祕書
金鋪深內殿石甃淨寒渠
花樹臺斜倚空煙閣半虛
縹囊披錦繡翠軸卷瓊琚
墨潤

水文繭香銷蠹字魚翻黃桐葉老吐白桂花初舊德雙
遊處聯芳十載餘北朝榮庾薛西漢盛嚴徐侍講親華
宸徵吟一作詩步綺疏綴簾金翡翠賜硯玉蟾蜍序一作移
秩東南遠離憂歲月除承明期重入江海意何如

早秋望華清宮樹因以成詠

一作盧綸詩

可憐雲木叢滿禁碧濛濛色潤靈泉近陰清輦路通玉
壇標八柱金井識雙桐交映凝寒露相和起夜風數枝
盤石上幾葉落雲中燕拂宜秋霽蟬鳴覺晝空翠屏更

隱見珠綴共璣瓏雷雨生成早樵蘇禁令雄野藤高助
綠仙果迴呈紅惆悵繚垣暮茲山聞暗蟲

和考功員外杪秋憶終南舊宅之作

一作和大理
襄卿杪

秋憶山下舊居以下
六首一作盧綸詩

靜憶溪邊宅知君許謝公曉霜凝耒耜初日照梧桐澗
鼠喧藤蔓山禽竄石叢白雲當嶺雨黃葉繞階風野菜
垂橋上高泉落水中歡榮來自閒羸賤賞曾通月滿珠
藏海天晴鶴在籠餘陰如可寄願得隱牆東

題金吾郭將軍石洑茅堂

雲戟曙沈沈，軒墀清且深。
家傳成棟美，堯寵結茅心。
玉佩多依石，油幢亦在林。
爐香諸洞暖，殿影衆山陰。
草奏風生筆，筵開雪滿琴。
客從龍闕至，僧自虎溪尋。
瀟灑延清賞，周流會素襟。
終朝惜塵步，一醉見華簪。

登棲霞寺

一作奉和李益遊栖霞寺

林香雨氣新，山寺綠無塵。
遂結雲外侶，共遊天上春。
鶴鳴金閣麗，僧語竹房鄰。
待月水流急，惜花風起頻。
何方

非壞境此地有歸人迴首空門外皤然一幻身

逢南中使寄嶺外故人

見說南來處蒼梧指桂林過秋天更暖邊海日長陰巴
路緣雲出蠻鄉入洞深信回人自老夢到月應沉碧水
通春色青山寄遠心炎方難久客爲爾一霑襟

代員將軍罷戰後歸故里

結髮事疆場全生到海

一作俱到

鄉連雲防鐵嶺同日破漁

陽牧馬胡天晚移軍磧路長枕戈眠古戍吹角立繁霜

歸老勲仍在酬恩虜未忘獨行過邑里多病對農桑雄
劍依塵橐兵符寄樂囊空餘麾下將猶逐羽林郎

詠冬瑰花

奉和中書李舍人昆
季咏寄徐郎中之作

獨鶴寄煙霜雙鸞思晚芳舊陰依謝宅新豔出蕭牆蝶
散搖輕露鶯銜入夕陽雨朝勝濯錦風夜劇焚香麗日
千層豔孤霞一片光密來驚葉少動處覺枝長布影期
高賞留春為遠方嘗聞贈瓊玖叨和愧升堂

句

風侯已應同嶺北雲山仍喜似終南

題漳浦驛
方輿勝覽

褚朝陽

褚朝陽登天寶進士第詩三首

登聖善寺閣

一題作登
少室山

飛閣青霞裏先秋獨早涼天花映

一作散

窗近月桂拂簷

香華岳三峰小黃河一帶長空閒

一作聞

指歸路煙際有

垂楊

五絲

越人傳楚俗截竹競縈絲水底深休也日中還賀之章
施文勝質列匹美於姬錦繡侔新段羔羊寢舊詩但誇
端午節誰薦屈原祠把酒時伸奠汨羅空遠而

奉上徐中書

中禁仙池越鳳凰池邊詞客紫薇郎既能作頌雄風起
何不時吹蘭蕙香

御定全唐詩卷二百五十四

欽定四庫全書

御定全唐詩卷二百五十五

蘇源明

蘇源明字弱夫武功人天寶中登第累遷國子司業祿山之亂不受僞署肅宗復兩京擢考功郎中終祕書少監與杜甫鄭虔善詩二首

小洞庭洄源亭讌四郡太守詩

并序 序
內缺一字

天寶十二載七月辛丑東平太守扶風蘇源明觴

濮陽太守清河崔公季重魯郡太守隴西李公蘭
濟南太守太原田公琦濟陽太守隴西李公俊于
洄源亭既尊封壤乃密惠好前此濟陽以河堤之
虞夫役之弊請南略我宿及魯之中都宿人訟其
不便源明請廢濟陽以平陰長清屬濟南盧東阿
歸我陽穀隸濮陽役均三邦利倍二邑不可則分
我壽西入濮陽東入濟陽魯之中都北入于我書
貢闔闔旨下陳留陳留太守王公盛德帝俞才美

人與自總連率實惟澄清闕命屬官湖城主簿王

子說會五太守於東平議縣乃不割郡亦仍舊已
事修讌姑以為別若夫階抱孤嶠軒飛慶潭阻殘
暑於重林遞高秋於絕壑其盤何有臠鹿腍羊其
俎何有燔兔膾魴李下彫龍冰之以寒水瓜割鉅
刃巾之以疎絺禮交乎上當世高賢之相允樂動
乎下前古中和之合作抑抑焉堂堂焉奚一人之
富有而羣后之緝熙也司土庀舟以待司功設役

以告徹饌更服陳羞潔尊自洄源起廣泊左拂蠶
尾右遵吾山倒屹岫於波際指梁岑於林缺移搖
敞豁暝眇虛曠太皞苗裔可記任宿伯禹山川空
流濟汶所遇多感祇牢爲歡倬態自成以留客嫻
容色授以勸酒繁絲疎管紛爾自會雅舞清唱倏
然同引既醉源明以手版扣舷而歌歌闋鳥獸聞
之低昂而相鳴魚鼈聞之沿洄而或躍茲官吏安
次而不易彼人庶樂業而不遷喜之哉樂之哉字

涓泊曰小洞庭盛集五太守高讌云爾

小洞庭兮牽方舟風嫋嫋兮離平流牽方舟兮小洞庭
雲微微兮連絕崕層瀾壯兮緬以沒重巖轉兮超以忽

馮夷逝兮護輕橈蛟龍行兮落增一作中潮泊中湖一作潮

兮澹而閒並曲澈兮悵而還適予手兮非予期將解袂

兮藁予思尚君子兮壽厥身承明主兮憂斯人史稱廢濟陽詩

序縣郡仍舊
或其初議云

秋夜小洞庭離讌詩

并序

源明從東平太守徵國子司業須昌外尉袁廣載
酒於洄源亭明日遂行及夜留宴會莊子若訥過
歸呂相里子同禕過如魏陽穀管城青陽權衡二
主簿在坐皆故人也徹饌新尊移方舟中有宿鼓
有汶簧濟上嫣然能歌者五六人共載止洄源東
柳門入小洞庭遲夷徬徨眇緬曠漾流商雜徵與
長言者啾焉合引潛魚驚或躍宿鳥飛復下真嬉
遊之擇耳源明歌云云曲閔袁子曰君公行當揮

翰右垣豈止典胄米廩耶廣不敢受賜獨不念四
三賢源明醉曰所不與君子及四三賢同恐懼安
樂有如秋水晨前而歸及醒或說嚮之陳事源明
局局然笑曰狂夫之言不足罪也乃志為序

浮漲湖兮莽迢遙川后禮兮扈予橈橫增波一作沒兮蓬

仙延川后福兮易一作翼予舩一作船月澄凝兮明空波星

磊落兮耿秋河夜既良兮酒且多樂方作兮奈別何右

詩太和中天平節度使令狐楚立石有文題云自源明
迄楚時僅八十年洄源亭渚泊已迷其處矣文見楚集

鄭虔

鄭虔滎陽人天寶初爲協律郎坐事謫官明皇愛其才
特置廣文館授爲博士遷著作郎以陷安祿山貶台州
司戶叅軍最善杜甫又與祕書監鄭審篇翰齊價虔工
畫山水好書常苦無紙乃於慈恩寺貯柿葉數屋日往
取葉肄書歲久殆盡嘗自寫其詩并畫以獻帝親署其
尾曰鄭虔三絕今存詩一首

閨情

銀鑰開香閣金臺照夜燈
長征君自慣獨卧妾何曾

畢耀

杜甫集
作曜

畢耀官監察御史與杜甫善詩三首

古意

璇閨繡戶斜光入千金女兒倚門立
橫波美目雖往來
羅袂遙遙不相及
聞道今年初避人
珊珊挂鏡長隨身
願得侍兒為道意
後堂羅帳一相親

情人玉清歌

一作張
南容詩

洛陽有人名玉清

一作洛陽城中有一人名玉清

可憐玉清如其名善

踏斜柯能獨立嬋娟花豔無人及珠為羈玉為纓臨春
風吹玉笙悠悠滿天星黃金閣上晚妝成雲和曲中為
曼聲玉梯不得踏搖袂兩盈盈城頭之日復何情

贈獨孤常州

見紀事

洪爐無久傳日月速若

一作如

飛忽然衝人身飲酒不須

疑

韋濟

韋濟思謙之孫嗣立之子早以詞翰聞開元初調補郾城令對詔第一擢醴泉令為政簡易三遷庫部員外郎歷戶部侍郎天寶七載再為河南尹遷尚書左丞三代皆省轄衣冠榮之詩一首

奉和聖製次瓊嶽應制

陸海披晴雪千旗獵早陽岳臨秦路險河遶漢垣長行漏通鳩鵲離宮接建章都門信宿近歌舞從周王

田澄

一作登

田澄天寶時官獻納使起居舍人杜甫嘗有詩贈之詩一首

成都為客作

蜀郡將之遠城南萬里橋衣緣鄉淚濕貌以客愁銷地富魚為米山芳桂是樵旅遊惟得酒今日過明朝

沈東美

沈東美佺期子初為府掾天寶中除膳部員外郎詩一首

奉和苑舍人宿直曉翫新池寄南省友

傳聞閭闔裏寓直有神仙
史為三墳博郎因五字遷晨
臨翔鳳沼春注躍龍泉去
似登天上来如看鏡前影搖
宸翰發波淨列星懸既濟仍
懷友流謙欲進賢彈冠聲
實貴覆被渥恩偏温室言雖
阻文場契獨全玉珂光赫奕
朱紱氣蟬聯興逸潘仁賦名
高謝朓篇青雲仰不逮
白雪和難牽冉冉胡為此甘
心老歲年

蘇渙

蘇渙嘗訪杜甫於江浦甫請誦新作有詩美之渙善放
白弩巴中號為弩跖後變節從學鄉賦擢第累遷至侍
御史佐湖南崔中丞瓘幕府崔遇害遂踰嶺扇動哥舒
晃跋扈交廣伏誅詩四首

變律

本十九首
今存三首

日月東西行寒暑冬夏易陰陽無停機造化渺莫測

一本

作日月東西行照在大荒北
其中有燭龍靈怪人莫測

開目為晨光

一作暉

閉目為

夜色一開復一閉明晦無休息居然六合外

一作曠哉

天地德天地且不言世人浪

一作強喧喧

毒蜂成一窠高挂惡木枝行人百步外目斷魂亦飛長

安大道邊

一作傍

挾彈誰家兒右手持金丸引滿無所疑

一中紛下來勢若風雨隨身如萬箭攢宛轉迷所之徒
有疾惡心奈何不知幾

養蠶爲素絲葉盡蠶不老傾筐對空林此意向誰道一
女不得織萬夫受其寒一夫不得意四海行路難禍亦
不在大福亦不在先世路險孟門吾徒當勉旃


贈零陵僧

一本下有蕪送謁徐廣州六字
作懷素上人草書歌 第十九句缺

字一

張顛沒在二十年謂言草聖無人傳零陵沙門繼其後
新書大字大如斗興來走筆如旋風醉後耳熱心更兇
忽如裴旻舞雙劍七星錯落纏蛟龍又如吳生畫鬼神
魑魅魍魎驚本身鉤鎖相連勢不絕倔强毒蛇爭屈鐵
西河舞劍氣凌雲孤蓬自振唯有君今日華堂看灑落
四座喧呼歎佳作迴首邀余賦一章欲令羨價齊鍾張

琅誦 句三百字何似醉僧顛復狂忽然告我遊南溟
言祈亞相求大名亞相書翰凌獻之見君絕意必深知
南中紙價當日貴只恐貪泉成墨池



御定全唐詩卷二百五十五

欽定四庫全書

集部

御定全唐詩卷二百

五十六至
六十

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣徐敷

欽定四庫全書

御定全唐詩卷二百五十六

劉昫

劉昫虛江東人天寶時官夏縣令詩一卷

江南曲

美人何蕩漾湖上風日

一作月

長玉手欲有贈裴回雙明

璫歌聲隨綠水怨色起青

一作朝一作春

陽日暮還家望雲波

橫洞房

九日送人

海上正搖落客中還別離
同舟去未已遠送新相知
流水意何極滿尊徒爾為
從來菊花節早已醉東籬

暮秋揚子江寄孟浩然

木葉紛紛下東南日煙

一作雨

霜林山相晚

一作曉

暮天海

空

一作深

青蒼暝色沉復久秋聲亦何長
孤舟無徵月獨

夜仍越鄉寒笛對京口故人在襄陽
詠思勞今夕江漢

遙相望

潯陽陶氏別業

陶家習先隱種柳長江邊朝夕潯陽郭白衣來幾年
霽雲明孤嶺秋水澄寒天物象自清曠野情何綿聯
蕭蕭丘中賞明宰非徒然願守黍稷稅歸耕東山田

登廬山峰頂寺

孤峰臨萬象秋氣何高清天際南郡出林端西江明
山門二緇叟振錫聞幽聲心照有無界業懸前後生
雖一作徒知真機靜尚與愛網并方首金門路未遑參道情

尋東溪還湖中作

出山更回首日暮清溪深東嶺新別處數猿叫空林昔
遊有初迹此路還獨尋幽興方在往歸懷復為今雲峰
勞前意湖水成遠心望望已超越坐鳴舟中琴

送韓平兼寄郭微

上客夜相過小童能酤酒即為臨水處正值歸鴈後前
路望鄉山

一作闕

近家見門柳到時春未暮風景自應有

余憶東州

一作周

人經年別來久殷勤為傳語日夕念攜

手無問前寄書書中

一作中間

復達否

寄閭防

防時在終南
豐德寺讀書

青冥南山口

一作色

君與緇錫鄰深路入古寺亂花隨暮

春紛紛對寂寞往往落衣巾松色空照

一作照空

水經聲時

有人晚心復南望山遠情獨親應以修往業亦惟立此

身深林度空夜煙月資清真莫歎

一作欲

文明日彌年徒

隱淪

海上詩送薛文學歸海東

何處歸且遠送君東悠悠滄溟千萬里日夜一孤舟曠
望絕國所微茫天際愁有時近仙境不定若夢遊或見
青色古一作石孤山百里一作丈秋前心方杳眇後路勞夷
猶離別惜吾道風波敬皇休春浮花氣遠思逐海水流
日暮驪歌後永懷空滄洲

越中問海客

風雨滄洲暮一帆今始歸自云發南海萬里速如飛初
謂落何處永將無所依冥茫漸西見山色越中微誰念

去時遠人經此路稀泊舟悲且泣使我亦需衣浮海馬
用說憶鄉難久違縱為魯連子山路有柴扉

闕題

道由白雲盡春與青溪長時有落花至遠隨流水香閒
門向山路深柳讀書堂幽映每白日清輝照衣裳

寄江滔求孟六遺文

南望襄陽路思君情轉親偏知漢水廣應與孟家鄰在
日貪爲善昨來聞更貧相如有遺草一為問家人

積雪為小山

飛雪伴春還春庭曉自閒
虛心應任道遇賞遂成山
峰小形全秀巖虛勢莫攀
以幽能皎潔謂近可循環
孤影臨水鏡寒光對玉顏
不隨遲日盡留顧歲華閒

贈喬琳

一作張謂詩

去年上策不見收今年寄食仍淹留
羨君有酒能共醉羨君無錢能不憂
如今五侯不待客羨君不問五侯宅
如今七貴方自尊羨君不過七貴門
丈夫會應有知己

世上悠悠何足論

茱萸花歌

一作岑參詩

昨日一花開今日一花開今日花正好昨日花已老人
生不得長

一作恒

少年莫惜牀頭酤酒錢請君有錢向酒

家君不見茱萸花

句

歸夢如春水悠悠遶故鄉

駐馬渡江處望鄉待歸舟

御定全唐詩卷二百五十六

欽定四庫全書

御定全唐詩卷二百五十七

息夫牧

息夫牧蕭穎士門人詩一首

冬夜宴蕭十丈因餞殷郭二子西上

并序

序云冬十有二月家君宰邑許下夫子問津穎上
二賢將馳會府皆適茲土夜處狹室列座有位尊
卑儼如或捧觴上壽或摳衣請益始崇詩以閱禮

終講信而修睦然後文飽於德義潤其身頃夫子
升堂之後若盧賈劉尹之徒半紀閒接武鳴躍實
夫子訓之導之斯至也今殷郭二子天資才幹而
加之鏃羽觀光王庭俯拾地芥其誰曰不然飛霜
靄林寒氣總至月落匝戶夜將向晨座隅謙謙畢
醉溫克則知孔門宴餞異於他日二三子終身識
之夫子以家君政事百里無事命門弟子賦詩鳴
琴亦以釋伉離之怨焉小子不敏忝居門人之末

敢不敬書其事詩曰

有琴斯鳴于宰之庭君子莅止其心孔平政既告成德
以永貞鳴琴有衍于頴之畔彼之才髦其年未冠聞詩
聞禮斐兮璨璨鳴琴其怡于頴之湄二子翰飛言戾京
師有鬱者桂爰一作載攀其枝琴既鳴矣宵既清矣烘煨
有煒酒醴惟旨喟我寤歎吁其別矣

宋華

宋華濮陽宰詩一首

蟬鳴一篇五章 并序

蟬鳴感秋興送將歸也僻守外邑而蘭陵子相過
詰朝言歸賦詩見志以申贈焉

蟬其鳴矣於彼疎桐庇影容跡何所不容嘒嘒其長永
託于風未見君子我心忡忡既見君子樂且有融

彼蟬鳴矣於林之表含風飲露以樂吾道有懷載遷伊
誰云保未見君子我心悄悄既見君子披豁予抱

蟬鳴蟬鳴幽暢乎而肅肅爾庭遠近涼颼言赴高柳叢

望開之思而不見如渴如饑亦既覲止我心則夷

蟬鳴伊何時運未與匪歎秋徂怨斯路阻願言莫從鬱
悵誰語君子至止慰我延佇何斯違斯脩爾遐舉

歲之秋深蟬其夕吟披衣軒除蕭蕭風林我友來斯言
告離衿何以叙懷臨水鳴琴何以贈言委順浮沈

鄒象先

鄒象先開元二十三年進士與蕭穎士為同年生仕臨
渙尉詩一首

寄蕭穎士補正字

一本無補正字三字

六月度開

一作關

雲三峯翫山翠爾時黃綬屈別後青雲

致

按紀事象先尉臨渙穎士自京邑無成東歸有贈象先詩來年蕭補正字象先寄詩重述前事蕭後亦有

答詩

韋建

韋建開元天寶間人為河南令與蕭穎士劉長卿遊詩

二首

河中晚霽

湖廣舟自輕江天欲澄霽是時清楚望氣色猶霾曠跼
蹢金霞白波上日初麗煙紅落鏡中樹木生天際杳杳
涯欲斑濛濛雲復閑言垂星漢明又覩寰瀛勢微興從
此愜悠然不知歲試歌滄浪清遂覺乾坤細宵念客衣
薄將期永投袂遲迴漁父閒一作問一雁聲嘹唳

泊舟盱眙

一作常建詩誤

泊舟淮水次霜降夕流清夜久潮侵岸天寒月近城平
沙依雁宿候館聽雞鳴鄉國雲霄外誰堪羈旅情

殷寅

殷寅陳郡人早孤事母以孝聞應宏詞舉為永寧尉與
蕭穎士善詩二首

銓試後徵山別業寄源侍御

別業在徵山登高望畿甸嚴令天地肅城闕如何見
藹王侯門華軒日遊衍幸逢休明代山虜尚交戰投策
去園林率名皆拜選聖君性則哲濟濟多英彥裴楷能
清通山濤急推薦謏才甘自屏薄伎忝餘眷雖承國士

恩尚乏中人援疇昔相知者今茲秉天憲朱紱何赫赫
綉衣復蔥蒨

玄元皇帝應見賀聖祚無疆

應歷生周日修祠表漢年復茲秦嶺上更似霍山前昔
贊神功啟今符聖祚延已題金簡字仍訪玉堂僊睿祖
光元始曾孫體又玄言因六夢接慶叶九齡傳北闕心
超矣南山壽固然無由同拜慶竊抃賀陶甄

柳中庸

柳中庸名淡以字行河東人宗元之族御史并之弟也
與弟中行皆有文名蕭穎士以女妻之仕為洪府戶曹
詩十三首

秋怨

玉樹起涼煙凝情一葉前別離傷曉鏡搖落思秋弦漢
壘關山月胡笳塞北天不知腸斷夢空遶幾山川

春思贈人

紅粉當三五娥艷一雙綺羅迴錦陌弦管入花江落

鴈驚金彈拋杯瀉玉缸誰知褐衣客顙顙在書窗

幽院早春

草短花初拆苔青柳半黃
隔簾春雨細高枕曉鶯長
無事含閒夢多情識異香
欲尋蘇小小何處覓錢塘

寒食戲贈

春暮越江邊春陰寒食天
杏花香麥粥柳絮伴鞦韆
酒是芳菲節人當桃李年
不知何處恨已解入箏弦

聽箏

抽弦促柱聽秦箏無限秦人悲怨聲似逐春風知柳態
如隨啼鳥識花情誰家獨夜愁一作悲燈影何處空樓思
月明更入幾重離別恨江南岐路洛陽城

河陽橋送別

黃河流出有浮橋晉國歸人此路遙若傍闌干千里望
北風驅馬雨蕭蕭

征

一本下
有人字怨

歲歲金河復玉關朝朝馬策與刀環三春白雪歸青塚

萬里黃河遶黑山

涼州曲二首

關山萬里遠征人
一望關山淚滿巾
青海戍頭空有月
黃沙磧裏本無春

高檻連天望武威
窮陰拂地戍金微
九城弦管聲遙發
一夜關山雪滿飛

江行

繁陰乍隱洲
落葉初飛浦
蕭蕭

一作蕭湘

楚客帆暮入寒

一作

日暮
秋江雨

丁評事宅秋夜宴集

翠幙卷回廊銀燈開後堂風驚擁砌葉月冷滿庭霜綺
席人將醉繁弦夜未央共憐今促席誰道客愁長

夜渡江

一作姚崇詩

夜渚帶浮煙蒼茫晦遠天舟輕不覺動纜急始知牽聽
笛遙尋岸聞香暗識蓮唯看去帆影常恐一作似客心懸

揚子途中

楚塞望蒼然寒林古戍邊秋風人渡水落日鴈飛天

御定全唐詩卷二百五十七

欽定四庫全書

御定全唐詩卷二百五十八

崔惠童

崔惠童博州人右驍衛將軍冀州刺史庭玉之子尚明
皇晉國公主詩一首

宴城東莊

一作崔惠童詩
一作崔思詩

一月主人

一作人生

笑幾回相逢相識

一作值

且銜杯眼看春

色如流水今日殘

一作飛

花昨日開

崔敏童

崔敏童駙馬都尉惠童之昆弟也詩一首

宴城東莊

一年始有

一作又過

一年春百歲曾無百歲人能向花前

一作

中幾回醉十千沽酒莫辭貧

一作頻

苗晉卿

苗晉卿字元輔潞州壺關人擢進士第累遷吏部郎中知選事久之進侍郎天寶二載較書判以御史中丞張

倚之子與為第一議者不平帝御花萼樓覆寶輿持紙
終日筆不下人謂之曳白坐貶安康太守俄充河北採
訪使肅宗召赴行在拜左相廣德中以太保致仕永泰
初卒謚懿獻詩一首

奉和聖製早登太行山中言志

金吾戒道清羽騎動天聲砥路方南絕

一作紀

重巖始北

征關樓前望遠河邑下觀平喜氣迴輿合祥風入

一作轉

旆輕祝堯三老至會禹百神迎月令農先急春蒐禮復

一作後

行仍親后土祭更理晉陽兵不似勞車轍空留八

駿名

賈耽

賈耽字敦詩滄州南皮人天寶中舉明經授臨清縣尉上疏論時政改正平尉從事河東檢校膳部員外郎歷邠州刺史政績茂異入為鴻臚卿自大厯至貞元三為節鎮徵拜右僕射同中書門下平章事在相位十三年世稱其淳德耽好地理學外國使至必訊其山川土俗

因譔海內華夷圖及古今郡國縣道四夷述四十卷表
獻之詩一首

賦虞書歌

衆書之中虞書巧體法自然歸大道不同懷素只攻顛
豈類張芝惟創草形勢素筋骨老父子君臣相揖抱孤
青似竹更颼颼濶白如波長浩渺能方正不隳倒功夫
未至難尋奧須知孔子廟堂碑便是青箱中至寶

趙居貞

趙居貞鼓城人歷吳郡採訪使天寶中官北海郡太守

詩一首

雲門山投龍詩

并序 序首行缺一字
詩第十八句缺二字

有唐天寶玄默歲 月己巳中散大夫使持節北

海郡諸軍事北海郡太守柱國天水趙居貞登雲

門山投金龍環壁奉為開元天地大寶聖文神武

皇帝祈福也先是投禮太守不行以掾吏代之余

是年病目戾止以為聖上祈祐宜牧守躬親吏輒

代非禮也余撰良日爰及中元下元並躬行為聖
上祈壽祝拜焚香投龍禮畢有瑞雲從洞門而出
五色紛郁迴翔空中聲曰皇帝壽一萬一千一百
歲預禮者悉聞之余乃手舞足蹈賦詩以歌其事
遂於巖前刻石壁以紀之

曉登雲門山直上一千尺絕頂彌孤聳盤途幾傾窄前
對豎裂峯下臨削成壁陽巘靈芝秀陰崖半天赤大壑
靜不波渺溟無際極是時雪初霽沍寒水更積披展送

龍儀寧安服狐白沛恩惟聖主祈福在方伯三元章醮
昇五域 覲帟幕翠微巨機茵丹洞闢祝起鳴天鼓
拜傳端素冊霞間朱紱紫嵐際黃裳襞玉策奉誠信仙
佩俟奔驛香氣入岫門瑞雲出巖石至誠必招感大福
旋來格空中忽神言帝壽萬千百

蕭華

蕭華徐國公嵩之子天寶末歷官兵部侍郎上元初以
中書侍郎同平章事忤李輔國矯詔罷為禮部侍郎尋

貶峽州司馬卒詩一首

扈從回鑾應制

粵在

一作自

秦京日議乎封禪難豈知陶唐主道濟蒼生

安惟彼烈祖事增修實榮觀聲名朝萬國玉帛禮三壇

纂聖德重光建元功載刊仍開

一作聞

舊馳道不記昔迴

鑾羽衛

一作騎

搖晴日弓戈生早寒猶思檢玉處却望白

雲端

李岑

李岑天寶中宋州刺史詩二首

西河郡太原守張夫人輓歌

鵲印慶仍傳魚軒寵莫先從夫元凱貴訓子孟軻賢龍
是雙歸日鸞非獨舞年哀榮今共盡悽愴杜陵田

玄元皇帝應見賀聖祚無疆

皇綱歸有道帝系祖玄元運表南山祚神通北極尊大
同齊日月興廢應乾坤聖后趨庭禮宗臣稽首言千官
欣肆覲萬國賀深恩錫宴雲天接飛聲雷地喧祥光浮

紫閣喜氣繞皇軒未預承天命空勤望帝門

元友讓

元友讓元結子見永州志按元結集載長子友直次子友正此蓋其幼子也詩一首

復游浯溪

昔到纔三歲今來鬢已蒼
剝苔看篆字薙草覓書堂
引客登臺上呼童掃樹旁
石渠疏擁水門徑斲蘗篁
田地潛更主林園盡廢荒
悲涼問耆耄疆界指垂楊

蔣洌

蔣洌儀鳳中宰相高智周之外孫第進士考功員外郎
終尚書左丞詩七首

南溪別業

結宇依青嶂開軒對綠疇樹交花兩色溪合水同

一作重

流竹徑春

一作風

來掃蘭尊夜不收逍遙自得意鼓腹醉

中遊

古意

冉冉紅羅帳開君玉樓上畫作同心鳥銜花兩相向春
風正可憐吹暎綠窗前妾意空相感君心何處邊

臺中書懷

持憲當休明飭躬免顛沛直繩備豪右正色清冠蓋寄
切才恨薄職雄班匪大坐居三獨中立在百僚外簡牘
時休暇依然秋興多披書唯骨鯁循跡少閒和庭樹凌
霜柏池傾姜露荷歲寒應可見感此遂成歌

經理輪地

漢家張御史晉國綠珠樓時代邈已遠共謝洛陽秋洛

陽大道邊舊地尚依然下馬獨太息擾擾城市喧時一作

詩人欣一作綠珠詩滿金谷園千載埋輪地無人興一

言正直死猶忌况乃未死前汨羅有翻浪恐是嫵屈原

我聞太古水上與天相一作連如何一落地又作九曲

泉萬古惟高步可以旌我賢一本無如何以下四句

山行見鵲巢

鵲巢性本高更在西山木朝下清泉戲夜近明月宿非

直避網羅無能免傾覆豈憂五陵子挾彈來相逐

巫山之陽香谿之陰明妃神女舊跡存焉

神女歸巫峽明妃入漢宮擣衣餘石在薦枕舊臺空行
雨有時度谿流何日窮至今詞賦裏悽愴寫遺風

夜飛鵲

北林夜方久南月影頻移何啻飛三匝猶言未得枝

蔣渙

蔣渙洌之弟擢進士天寶末為給事中永泰初歷鴻臚

卿日本使嘗遺金帛不受惟取牋一番為書以貽其副
終禮部尚書詩五首

途次維揚望京口寄白下諸公

北望情何限南行路轉深晚帆低荻葉寒日下楓林雲
白蘭陵渚煙青建業岑江天秋向盡無處不傷心

登棲霞寺塔

三休尋磴道九折步雲霓瀍澗臨江北郊原極海西沙
平瓜步出樹遠綠楊低南指晴天外青峰是會稽

和徐侍郎

一有中

書叢篠韻

一無韻字

中禁夕沈沈
幽篁別作林
色連雞樹近
影落鳳池深
為重凌霜節
能虛應

一作

物心年年承
雨露長對紫
庭陰

故太常卿贈禮部尚書李公及夫人輓歌二首

白簡嘗持憲
黃圖復尹京
能標百郡則
威肅一朝清
典秩崇三禮
臨戎振五兵
更聞傳世業
才子有高名

封樹遵同穴
生平此共歸
鏡埋鸞已去
泉掩鳳何飛
薤輓疑笳曲
松風思翟衣
揚名將寵贈
泉路滿光輝

段懷然

段懷然台州刺史天寶中人詩一首

挽湧泉寺僧懷玉

高僧傳玉修淨土業天寶元年感瑞往生

我師一念登初地佛國笙歌兩度來
唯有門前古槐樹枝低只為挂銀臺

張偁

張偁九齡族孫見宰相世系表紀事云天寶至德間人
詩一首

辭房相公

秋風颯颯雨霏霏
愁殺恁違一布衣
辭君且作隨陽鳥

鴈一作海內無家何處歸

陳孫

陳孫明皇時人詩一首

移耶溪舊居呈陳元初校書

雞犬漁舟裏長謠
任興行即令邀客醉
已被遠山迎書笈
將非重荷衣着甚輕
謝安無個事忽起為蒼生

李峯

李峯開州刺史詩一首

西河郡太原守張夫人挽歌

一作李峯詩

鵲印慶仍傳魚軒寵莫先從夫元凱貴訓子孟軻賢龍
是雙歸日鸞非獨舞年哀一作衰榮今共盡悽愴杜陵田

御定全唐詩卷二百五十八

欽定四庫全書

御定全唐詩卷二百五十九

沈千運

沈千運吳興人家於汝北為詩力矯時習一出雅正王
季友于逃孟雲卿張彪趙徵明元季川皆其同調也乾
元中季川兄結嘗編七人詩為篋中集千運為之冠詩
五首

感懷弟妹

一作汝墳
示弟妹

今日春

一作天

氣暝東風杏花折筋力久

一作又

不如却羨

一作慙歎

澗中石神仙杳難準

一作信

中壽稀

一作纔

滿百近世

多天傷喜見鬢

一作髭

髮白杖藜竹樹閒宛宛舊行

一作舊

跡豈知林園

一作園中

主却是林園

一作園中

客兄弟可

一作所

存

半空為亡者惜冥冥

一作冥

無再期哀哀望松柏骨肉能

幾人年大自

一作漸

疎隔性情誰免此與我不相易

一作而我

何不唯念

一作願

得爾革時

一作相

看慰朝夕平生茲已矣

此外盡非適

贈史脩文

故人阻

一作隔

千里會面非別

一作前

期握手於此地當歡

反成悲念離宛猶昨俄已經數

一作二十

期疇昔皆少年別

來鬢

一作髮

如絲不道舊姓名相逢知是誰曩遊盡騫翥

與君仍布衣豈曰無其才命理應有時別路漸欲少不

覺生涕洟

濮中言懷

聖朝優賢良草澤無遺匿人生各有命

一作志

在余胡不

淑

一作激

一生但區區五十無寸祿衰退當棄捐貧賤招

毀

一作時一作禍

譴栖栖去人世屯躋日窮迫不如守田園歲

晏望豐熟壯年失宜盡老大無筋力始覺

一作愴

前計非

將

一作方

貽後生福童兒新學稼

一作穡

少

一作小

女未能織

顧此煩知己終日求衣食

山中作

栖隱非別

一作別無

事所願離風塵不辭城邑遊禮樂拘束

人邇來歸山林庶

一作世

事皆吾身何者為形骸誰是智

與仁

一作辯智
與諸仁

寂寞了閒事而

一作然

後知天真咳唾矜

一作驚

崇華迂俯相屈伸如何巢與由天子不知

一作得

臣

古歌

北邙不種田但種松與柏松柏未生處留待市朝客

王季友

王季友河南人家貧賣履博極羣書豫章太守李勉引
為賓客甚敬之杜甫詩所謂豐城客子王季友也詩十
一首

別李季友

棲鳥不戀枝，啣啣在同聲。行子馳遲，

一作遲

出戶依依主人

情。昔時霜臺鏡，醜婦羞爾形。閉匣二十年，皎潔常獨

一作

猶明。今日照離別，前途白髮生。

寄韋子春

一作山中贈十四秘書兄

出山秋雲曙

一作秘芸署

山木

一作色

已再春。食我山中藥，不

憶山中人。山中誰余密，白髮日相

一作惟見

親。雀鼠晝夜無

知我。厨廩貧依依，北舍松不厭。吾南鄰有情，盡棄捐土

石為同身夫子質千尋天澤枝葉新余以一作也不材壽

非智免斧斤

夫子以下四句
篋中集本無

雜詩

采山仍

一作不

采隱在山

一作木

不在深持斧事遠遊固非

一作悲

匠者心翳翳青桐枝樵爨日所侵斧

一作樵

聲出巖

壑四聽無知音豈為鼎下薪當復堂上琴鳳鳥久不栖

且與枳棘林

滑中贈崔高士瑾

夫子保藥命外身得無咎日月不能老化腸為一作筋

否十年前見君甲子過我壽于

一作云

何今相逢華髮在

我後近而知其遠少見今白首遙信蓬萊宮不死世世

有玄石采盈擔神方秘其肘問家唯指雲愛氣常言酒

攝生固如此履道當不朽未能太玄

一作虛

同願亦天地

久實腹以芝朮賤形

一作體

乃芻狗自勉將勉余良藥在

苦口

還山留別長安知己

出山不見家還山見家在山門是門前此去長樵米青
溪誰招隱白髮自相待惟餘一作伴澗底松依色不改

代賀若

一作枝

令譽贈沈千運

相逢問姓名亦存別時無子今有孫山上雙松一作峰長

不改百家

一作年

唯有三家村村南村

一作東

西車馬道一

宿通舟水浩浩澗

一作河

中磊磊十里石河上淤泥種桑

麥

一作遊泥種稻河中遊

平坡塚墓皆我親

一作背我拆

滿田

一作戶

主人是舊客舉聲酸鼻問同年十人六七一作七人歸下泉

分手如何更此地回頭不語

一作下去

淚潛然

酬李十六岐

鍊丹文武火未成賣藥販履

一作履

俱逃名出谷迷行洛

陽道乘流醉卧滑臺城城下故人久離怨一歡適我

一作

怨兩家願朝飲杖懸沽酒錢暮餐囊有松花飯于何

一作

河二車馬日憧憧李膺門館爭登龍千賓揖對若流水五

經發難如叩鐘下筆新詩行滿壁立談古人坐在席間

我草堂有卧雲知

一作晒

我山儲

一作厨中

無儋石自耕自刈

食為天如鹿如麋飲野泉亦知世上公卿貴且養丘中
草木年

宿東溪李十五山亭

上山下山入山

溪一作

谷溪中落日留我宿松石依依當

主人主人不在意

情一作

亦足名花

一作花石

出地兩重階絕

頂平天一小齋本意由來是山水何用相逢語

一作話又作憶

舊懷

觀于舍人壁畫山水

野人宿在人家少朝見此山謂山曉半壁仍棲嶺上雲

開簾欲放

一作放出

湖中鳥獨坐長松是阿誰再三招手起

來遲于公大笑向予說小弟丹青能爾為

玉壺冰

統籤云作此詩者另一王季友

玉壺知素結止水復中澄堅白能虛受清寒得自凝分

形同曉鏡照物掩宵燈壁映圓光入

一作出

人驚爽氣凌

金壘何足貴瑤席幾回升正值求珪瓚提攜共飲冰

古塞

一本有曲下字

河嶽英靈集作陶翰詩紀事作王季友詩

進軍飛狐北窮寇勢將變日落沙塵昏背河更一戰
驂馬黃金勒彫弓白羽箭射殺左賢王歸奏未央殿欲言
塞下事天子不召見東出咸陽門哀哀淚如霰

于遼

于遼開元時人李白獨孤及皆有詩贈之亦與元結友
善詩二首

野外行

老病無樂事歲秋悲更長窮郊日蕭索生意已蒼黃小

弟髮亦白兩男俱不強有才且未達況我非賢良幸以
朽鈍姿野外老風霜寒鴉噪晚景喬木思故鄉魏人宅
蓬池結網佇鱸鮓水清魚不來歲暮空徬徨

憶舍弟

衰門少

一作鮮

兄弟兄弟唯兩人饑寒各流浪感念傷我

神夏期秋未

來安知無他因不怨別天長但願見爾身

茫茫天地閒萬類各有親安知汝與我乖隔

一作異

同胡

秦何時對形影憤懣當共陳

張彪

張彪潁洛間人天寶末將母避亂杜甫詩所稱張山人者是也詩四首

雜詩

富貴多勝事貧賤無良圖上德無濟心中才不如愚商

者多巧智農者爭

一作多

膏腴儒生未遇時衣食不自如

久與故交別他榮我窮居到門懶入門何況千里餘君

子有褊性矧

一作况

乃尋常徒行行任天地無為強親疎

神仙

神仙可學無百歲名大約天地何蒼茫

一作茫茫

人間半哀

樂浮生亮多惑善事翻為惡爭先等馳驅

一作驅逐

中路苦

瘦弱長老思養壽後生笑寂寞五穀非長年四氣乃靈

藥列子何必待吾心滿寥廓

北遊還酬孟雲卿

忽忽忘

一作望

前事志願能相乖衣馬久羸弊誰信文與

才善道居貧賤潔服蒙塵埃行行無定心墮坎難歸來

慈母憂疾

一作疾

疹至家

一作家室

念栖哀

一作栖
一作低
一作催

與君宿

姻親深見中外懷
俟余惜時節
悵望臨高臺

古別離

別離無遠近
事歡情亦悲
不聞車輪聲
後會將何時
去日忘寄書
來日垂前期
縱知明當返
一息千萬思

趙徵明

趙徵明天水人
工書竇臯述書賦稱之詩三首

回軍跛者

既老又不全始得離邊城一枝假枯木步步向南行去
時日一百來時月一作一月程常恐道路旁掩棄狐兔塋
所願死鄉里到日不願生聞此哀怨一作哭詞念念不忍
聽惜無異一作化人術倏忽具爾形

挽歌詞

寒日蒿上明淒淒郭東路素車誰家子丹旌引將去原
下荆棘叢叢邊有新墓人間痛一作長傷別此是長別處

曠野多蕭條青松

一作風悲

白楊樹

思歸

一作古
離別

為別未幾日去日如三秋猶疑望可見日日上高樓惟
見分手處白蘋滿芳洲寸心寧死別不忍生離憂

元季川

元季川大厯貞元間詩人也一云名融元結弟詩四首

泉上雨後作

風雨

一作動

蕩繁暑雷

一作雨

息佳霽初衆峰帶雲雨

一作間

清氣

一作風

入我廬颯颯涼

一作鮮

颺來臨窺

一作窺臨

愜所圖

綠蘿長新蔓
裊裊垂坐隅
流水復簷下
丹砂發清渠
養

葛為我衣種芋

一作芳
一作茅

為我蔬誰是

一作畹
能畹與畦瀾漫

連野蕪

登雲中

灌田東山下取樂

一作藥

在爾休清興相引行日日三四

周白鷗與我心不厭此中遊窮覽頗有適不極趣無幽
慘然歌采薇曲盡心悠悠

山中曉興

河漢降玄霜昨來節物殊

一作疏

媿無神仙姿豈

一作亦

有

陰陽俱靈鳥望不見慨然悲高梧華葉隨風揚珍條雜
榛蕪爲君寒谷吟歎息知何如

古遠行

悠悠遠行者羈獨當時思道與日月長人無茅舍期出
門萬里心誰不傷別離縱遠當白髮歲月悲今時何況
異形容安須與爾悲

御定全唐詩卷二百五十九